



COMUNE DE MARA

Provìntzia de Tàtari

Ordinàntzia N. 11 de su 18/07/2022

OGETU: IMPITU GIUSTU DE SAS RESURSAS ÌDRICAS – FUNTANA COMUNALE
SU PONTE- ANNU 2022

CONSIDERADU chi bisòngiat sensibilizare sa populatzione cara a sa farta attuale de abba ca no at pròpidu, bidu chi sos consumos actuales sunt difatis garantidos, in ausèntzia de un'agiudu naturale bida sa minimadura importante de s'abba chi amus in sos serbatòios artificziales e in sas funtanas pùblicas e est duncas importante chi siant adotados puru dae sos tzitadinos sìngulos, totu sas abbistesas pro impitare mègius sa resursa idrica, cun sa punna de la risparmiare;

RITÈNNIDU, duncas in calidade de Autoridade comunale de Protezione Tzivile, Sanitària e de Seguresa Pùblica de dèvere pregonare un'Ordinàntzia ispetzìfica cun sa punna de definire sas règulas pro cussertare s'impitu de s'abba potàbile de sa Funtana de su Ponte, cunsentende un'impitu giustu pro òmines, animales e pro abbare;

VALUTADA chi sa cantidade màssima de prelievu pro sugetu privadu o aziendale, pro permittere a totus sos impitadores de leare abba in sa Funtana de Su Ponte, est de 200 litros;

BIDOS

- S'art. 98 de SU D.Lgs. n.152 de su 3 de aprile de su 2006 e m.i.i. "Normas in matèria ambientale" chi previdit chi "cussos chi gestint o impitant sa resursa idrica adotent sas mesuras netzessàrias a s'eliminatzione de sos isprecos e a sa minimadura de sos consumos";
 - S'art. 32 de sa lege 23.12.1978, n. 833;
 - DLgs 18 de freàrgiu de su 2018 n°224;
 - Art. 50 de su D.Lgs. n.267 de su 18 de austu de su 2000 "Testu Ùnicu subra de sos ordinamentos de sos Entes Locales";
 - Sa lege 07.08.1990, n. 241;
 - sa Lege n.689 de su 24 de santandria de su1981 "Mudaduras a su sistema penale de sas sanziones";
- su Pianu Comunale de protezione tzivile;

ÒRDINAT

A tota sa tzitadinàntzia, cun decurrèntzia immediata e finas a su 30 de cabudanni de su 2022, de MINIMARE sa cantidade de abba chi si leat in sa funtana Su Ponte. Si nde podet leare màssimu 200 LITROS A DIE pro famiglia o azienda agrìcola e de allevamentu.

INVITAT

Puru sa tzitadinàntzia a un'impitu ratzionale e curretu de s'abba pro no l'isprecare in de badas.

AVERTET

Chi est de importu mannu sa collaboratzione ativa de totu sos tzitadinos;

Si faghet presente chi in casu de inacumprimentu s'at a protzèdere cunforma a sa lege. S'aplicat s'art.7 bis de su D.lgs. n°267/2000 in *combinato disposto* cun s'art.16 de sa Lege 689/1981. Pagamentu in misura reduida € 50,00.

Pro sos minorenes e sos chi non sunt in gradu de cumprèndere e no sunt autònomos cunforma e pro sos efetos de s'art. 2 de sa Lege 689/1981 nde rispondet chi nd'at sa responsabilidade, salvu chi dimustret de non b'ère pòtidu fàghere nudda.

Sas violatziones ant a pòdere èssere averiguadas de ufitziu puru pro mèdiu de impiantios de *video sorveglianza*.

Sa polizia Locale e sos agentes de fortza pùblica, sunt incarrigados subra de s'execuzione e de sa vigilàntzia de s'osservàntzia de sa presente.

Chi contra a custu provedimentu podet èssere propostu recursu giurisditzionale a su T.A.R. Sardigna, o puru recursu istraordinàriu a su Presidente de sa Repùblica, de pare a pare intro de su tèrmine de 60 dies o de 120 dies cun decurrèntzia dae sa data de publicatzione de custu atu.

DISPONET

Chi custu provedimentu siat fatu connòschere a sa tzitadinàntzia pro mèdiu de avisos pùblicos, e puru pro mèdiu de sa publicatzione a s'Albu Pretòriu e in su giassu de su Comune.

Chi custa Ordinàntzia siat trasmìtida a:

- *Polizia Locale e a sas àteras fortzas de s'Òrdine a manera chi siant adotadas measuras de controllu eficatzes pro fàghere respetare s'Ordinàntzia matessi;*
- *Prefetura de Tàtari;*
- *Ufitziu Tècnicu comunale;*

Mara, su \fqDatiAtto:DATAVISTO\

Su Sindigu

CHESSA PAOLO



CHESSA
PAOLO
18.07.2022
09:54:08
GMT+00:00

Copia digitale di documento informatico firmato e prodotto ai sensi del Dlgs 82/2005 e rispettive norme collegate